

Sajak membaca

Mari kita membaca

Mari kita membaca

Kerana itu suruhan nabi kita

Kerana itu suruhan agama kita

Termaktub dalam Al Quran

Dalam Surah Al Alaq yang

Menyeru kita "Bacalah"

Mari kita membaca

Kerana dengan membaca bertambah ilmu

di dada

Menerangi hidup kita

Kerana ilmu itu cahaya

Kerana ilmu menjaga kita

Mari kita membaca

Biar kita menjadi orang berguna

Tahu yang betul dan tak bermakna

Agar tak tersasar dari jalan orang mulia

Mari kita membaca

Biar kita jadi bangsa berjaya

Tersohor seantero dunia

Agar kita tak diinjak dihina

Mari kita membaca

Bukan hanya untuk lulus periksa

Tapi amalan dan budaya

Biar menjadi bangsa berakhlak mulia

Lagi bijaksana

Berakal budi

Perkasa minda

Mari kita membaca

Untuk mengenal diri kita

Untuk mengenal hakikat Maha Pencipta

Biar kita jadi hamba Allah yang bertaqwa

Diredai Yang Maha Esa

Oleh

Az Zahra SM

Merindui buku ~ A. Samad Said

Inilah denai jejak seni ke hati,
puncak fikir yang indah sekali,
tanpa himpunan ilmu di kalbu buku
kita tak sempat sampai ke mercu itu.

Di sini diri sentiasa di taman
menikmati unggas dan puspa menawan;
di sinilah vista buku saraf seni,
meranum akal mematang peribadi.

Kita wajar berpesta di kalbu buku
menghayati nikmatnya seindah syahdu
dalam tenang waktu khusyuk di pustaka
lebih cepat kita terasuh dewasa.

Buku adalah denyut nadi utama
penting bagi minda waras manusia;
dan buku juga gema fakir yang sakti,
nyaman dan mesranya sebuah simfoni.

Kita memupuk insan yang luhur budi
melalui tapisan hikmat berseni;
dan buku memang tasik aneka ilmu
yang perlu diselami sejujur kalbu.

Buku mengasuh diri sasa bersuara;
membaca menjadi jambatan bertuah
kita merindu buku dan ghairah baca
agar sentiasa canggih dan berhemah.

A Samad Said

7 Mac 2004

Dewan Sastera Ogos 2004 ms 50

Buku,

Itulah panggilan untukmu,

Dalam tubuhmu tersimpan banyak khazanah,

Dalam badanmu jua terkandung banyak azimat,

Kau menjadi rujukan,

Kau menjadi penyuluh,

Kau penyinar dalam kehidupan.

Pena,

Itulah gelaran untukmu,

Ada tangan yang mengukir,

Ada tangan yang mencoret,

Namunku tahu,

Kau tidak pernah jemu menari,

Mengikut gerak jari penggunamu,

Kerana khidmat dan baktimu begitu bernilai,

Dalam menyelesaikan segala persoalan.

SYAIR NASIHAT

Dengarlah wahai sahabatku akan syairku ini,
Syair nasihat seikhlas hati,
Menceritakan tentang hidup kita ini,
Banyak cabaran lagi dugaan yang harus dihadapi.

Selama hidup hendaklah setia,
Supaya orang akan sentiasa percaya,
Buat baik sesama manusia,
Jahat durhaka jauaskan sahaja.

Bila berkawan janganlah bergaduh,
Tiada guna bermusuhan-musuhan,
Jauhkan sesekali sikap angkuh,
Tersisih hidup semakin keruh.

Walaupun kaya jangan menghina,
Kaya dan miskin sama sahaja,
Yang hina jangan ditambah hina,
Kerana hidup seperti roda.

Penutup tirai syairku ini,
Harap semua dapat memahami ,
Nasihat baik tulus dan suci,
Ingat selalu jangan dipinggiri.

Guru O Guru

Puisi Guru Oh Guru – Usman Awang

Berburu ke padang datar
Dapat rusa belang kaki
Berguru kepala ajar
Ibarat bunga kembang tak jadi
(dedikasi kepada Hari Guru dan guruku tercinta)

Dialah pemberi paling setia
Tiap akar ilmu miliknya
Pelita dan lampu segala
Untuk manusia sebelum jadi dewasa.

Dialah ibu dialah bapa juga sahabat
Alur kesetiaan mengalirkan nasihat
Pemimpin yang ditauliahkan segala umat
Seribu tahun katanya menjadi hikmat.

Jika hari ini seorang Perdana Menteri berkuasa
Jika hari ini seorang Raja menaiki takhta
Jika hari ini seorang Presiden sebuah negara
Jika hari ini seorang ulama yang mulia
Jika hari ini seorang peguam menang bicara
Jika hari ini seorang penulis terkemuka
Jika hari ini siapa sahaja menjadi dewasa;
Sejarahnya dimulakan oleh seorang guru biasa
Dengan lembut sabarnya mengajar tulis-baca.

Di mana-mana dia berdiri di muka muridnya
Di sebuah sekolah mewah di Ibu Kota
Di bangunan tua sekolah Hulu Terengganu
Dia adalah guru mewakili seribu buku;
Semakin terpencil duduknya di ceruk desa
Semakin bererti tugasnya kepada negara.
Jadilah apa pun pada akhir kehidupanmu, guruku
Budi yang diapungkan di dulangi ilmu
Panggilan keramat "cikgu" kekal terpahat
Menjadi kenangan ke akhir hayat.

USMAN AWANG
1979

Guruku

Suci dan ikhlas pemberian mu,

Dari kamu buta menjadi tahu,

Suci dan ikhlas pengorbanan mu,

Tiada ternilai jasa baik mu,

Engkau laksanakan lampu dalam kegelapan,

Yang menerangi alam kalbuku,

Engkau bagaikan angin,

Yang selalu berbisik tentang kebaikan,

Namamu selalu bergelora,

Dalam hatiku,

Jasa dan benih yang engkau tanam,

Kini telah tumbuh bersemi,

Terpujilah engkau wahai guruku pahlawan hidupku

Guruku Pahlawanku
Oleh: Rozat Rifai

Engkau Laksana Matahari
yang selalu menyinari bumi
Sinarmu yang penuh warna
Mengajarkan kami sebuah kata
Kata nan indah penuh makna
Pembawa perubahan penentu masa depan

Langkahmu adalah sebuah harapan
tak peduli seribu rintangan yang datang
walau kadang nyawa engkau pertaruhkan
demi sebuah impian cerah
menuju Indonesia yang cerdas

Kesabaranmu adalah keberhasilan
Merubah kami menuju kebaikan
segala cara engkau lakukan
berharap bisa sesuai tujuan
untuk pembelajaran yang bermakna

sejuta Terimakasih kuucapkan
pengorbananmu tak mungkin kulupakan
ilmu yang berguna yang selalu kau ajarkan
menjadi bekal meraih impian.

Cikgu,
Tulus Setiamu telah mengajar kami,
Membekalkan ilmu untuk masa depan,
Dari ABCDE 1 ,2 Dan 3 hingga aku tahu baca
dan kira.
Tak terhingga pengorbananmu,
Hingga aku besar kan ku ingat selalu,
Terima kasih padamu cikgu.

Cikgu,
Jasamu akan ku kenang selalu,
Tak pernah lelah tunjuk ajarku,
Terima kasih ku kepadamu cikgu,
Kaulah pelita hidup bagi kami semua,
Menuju jalan ke arah yang benar,
Penuh ikhlas dan tulus membimbing dan
mengajar,
Untuk memastikan kami berjaya.

Cikgu,
Tanpa didikan mu siapalah kami,
Halalkan segala ilmu yang telah engkau
curahkan,
Terima kasih cikgu...